

汾陽李氏族譜

汾陽李氏族譜

鳳山  
汾陽

李氏宗祠

敬宗錄序

李之姓。其來遠矣。衆之族。其傳盛矣。詳具於南安譜。乘茲不容贅。後漢戊申歲。聖同靈。英兄弟三人。入僊遊。故世代之遼邈。地理之阻修。恐子孫不知。木之有本。水之有源。其何以盡尊祖敬宗。報本追遠之意乎。於是自安王之遷蘓州。自萬衆<sub>康</sub>之遷南安。而南安之傳自聖。凡十有五世。惟取

吾之傳派。而書之。詳者。所自出也。旁親則  
不盡書者。不及致詳也。譜非吾作也。而作  
敬宗錄。何哉。憶昔淵明陶公詩云。同源分  
派異。世疏予慨然。悟歎念茲厥初。今吾舍  
泉。而家外郡。再傳後世。子孫不知。吾身之  
所自出。則吾不父母其父母也。不祖宗其  
祖宗也。無父母則禽獸也。吾敬宗錄。烏可  
不作哉。且倦去泉未遠。他日子孫衆多。倘

以是錄。質諸泉之譜。則其世系昭穆。無不  
昭念。而宗族相親睦之意。藹然自若。則是  
錄之作。上可繼乎先。下可以傳乎後。其所  
係亦大矣。為子孫者。宜謹守。而勿忘焉。

皆

後漢乾祐己酉秋第十五代裔孫聖誌

○汾陽族譜序

經載道。史載事。而譜記宗族。君子言也。  
沒世無經史。載道與事。萬古下。人何覩焉。  
無譜記宗族。百世下。子孫何知焉。粵稽我  
李之先。出自神堯。淵公。襲封唐王。受隋禪。  
而有天下。蓋數千百年于茲矣。貞觀中。神  
堯第二子。元祥公。為江王。轉封蘓州等  
四州刺史。謚安王。傳至武陽郡王。襲公。則

安王之孫也。值武后當陽。除唐親屬。藜公  
黜封爵。流嶺表。子萬泉<sup>康</sup>公。逃難於泉。因寓  
南安縣安定里。遂為泉人。傳至聖公。乃藜  
公之十五世孫也。聖公。後漢乾祐戊申。由  
泉而入僊遊。己酉遷居大汾山之陽。實維  
永福。今為興賢里也。聖公既居汾陽。而汾  
陽之子孫。又以聖公為始祖。猶聖公之於  
藜公。藜公之於安王也。然自聖公以前。則

固備載於泉之譜。則僊遊汾陽。而雖有譜  
作也。今已久矣。子孫日益繁。族派日益遠。  
苟不有譜以稽之。則昭穆何序。親疏何別。  
昂乃追念南安。藜公聖公。敬宗錄之原委。  
而取眉山蘓氏譜。例凡為子孫者。悉稽於  
譜上。而源本之所自出。下而支派之所由  
分。昭穆之序。瞭然於目前。閱是譜。則尊祖  
敬宗之意。油然而生。雖服畫親畫然。一本



之所自出。必不以富驕貧。貴賤凌。以至喜  
不慶。憂不弔。而相視如塗人矣。雖然使無  
聖公之敬宗錄在焉。則昂雖有志於譜。其  
世系之所由來。曷從而稽此。敬宗錄之作。  
大有功於昔。而今日之舉。未必不有功於  
後也。譜既成。因悉次是語。以為序。

宗皇祐五年。歲次乙未。  
賜進士第汾陽第五代孫昂謹序。

續脩汾陽世譜序

我李之先<sup>載</sup>出高陽帝。傳至臯陶<sup>世</sup>為司理。以官名族數十。傳有微者。以直道忤紂。見殺。子利貞。與母契和氏。逃難伊侯之墟。食木子。得全遂。改理為李。則我李之姓。不由來者。嗣後有耳者。仕周為柱下史。孔子嘗從問禮。退以猶龍稱之。所著道德經五千餘言。悉極理奧。與傳書並傳。且為儒家師。

道家祖矣。子宗。高尚不仕。文侯師之。封于  
段干。孫崇。出為隴西守。遂家隴西。則隴西  
之郡。名於斯矣。迨至淵者。丕承隋統。國號  
大唐。封二十子元祥公。江國。謚曰安王。四  
世孫萬康公。避則天武氏難。徙溫陵。遂為  
泉人。五世晁嵩公。與子尚芬。同太常卿。楚  
瑤公。勤王有功。封奉天定難功臣。嗣是而  
剛雍公。則拜遊擊將軍。王麟與肇公。則節

度河東。翰公受殿前都尉。而彥彬與膺公。  
又節度河北。終唐之世。代有簪纓。至梁篡  
國。必武公。姓失祿爵。孫聖公。於後漢。乾祐  
戊申歲。又自福州三山。而泉湖。從居僊之  
興賢里汾陽。是安王為分封祖。萬康公為  
八閩祖。而聖公。則為汾陽祖矣。宋仁宗景  
祐丁丑歲。詔收錄唐宗屬。教授庭芝公。泉  
州助教。自是曰昂。曰戊。夢熊。夢庚。夢龍。夢

疆。蟬聯甲第。而端而繹。職綰銅章。謂之世  
濟其美。非歟。迨入我明。安公領鶚薦。飛公  
躍龍門。馭公入判通州。驛公巡宰蓮塘。而  
文昂則主簿曲江。春鯨司訓上猶。春暨知  
山東監運事。元星則武羅巡宰。又彪彪炳  
炳。炫耀後先。孰非先德之所貽乎。光家不  
佞與二三昆季。薰沐祖父詩禮之教。而龍衣  
采芹泮有年矣。愧不能脫穎。以昭前列。垂

休光日夜。塵塵惟是譜牒未成。懸之胸內。  
矧自貴儒公。編紀迄今百餘年。記煨于兵  
燹。事湮于世遠。勢不容緩。於是忘其固陋。  
同諸昆弟。宇宙寶實等。稽諸舊牒。源發派  
分。輯定其略。而未就緒也。幸得宗屬瑤山  
曰廷望者。相與裒益。商確始得成編。而所  
編則始安寧。以續貴儒公筆下。至孫篤遷  
流芳輩。凡七代。是譜也。肇自元祥公。衍至

信三公。計三過代。則仍其舊譜。而備述之。  
若元祥公。而上溯至高陽。則只畫以世系。  
紀以源委。譜註弗及。非忘而異之也。遼隔  
弗書。譜教也。藁就。登之簡帙。額之曰汾陽  
李氏世譜。書竣。燃香燭。披告宗祐。與族中  
諸英侶。咸拜而言曰。此繩前奕後謀也。不  
可無序以紀之。於是乎叙。

大明萬曆壬辰三月第三十六代裔同孫光家誌

○汾陽李氏歷代重修族譜世系本紀誌  
我李世譜。源委所載。溯自高陽帝始。而至  
大唐。第一代高祖神堯皇帝。淵公。及第三  
代江安王元祥公。神堯皇帝第二子。分  
封江王。食邑江南姑蘓。實唐室之親王。吾  
汾陽李氏之始祖也。粵稽吾家譜。乘其祥。  
具載於泉郡。南安。茲不容贅。由是考自後  
漢。乾祐戊申歲。第十五代祖聖公。由泉之



僊。居古汾陽大勳山之下。開創基業。至己酉秋。緣有譜記。脩錄前代帝裔。并叙敬宗錄。嗣後。宋皇祐乙未歲。第十九代賜進士昂公。復脩汾陽族譜。有叙及。元至元己巳歲。第廿九代宣公。又重脩汾陽世系譜記。迨明正統末。舊譜厄於兵燹。第卅四代貴儒公。往京。就官篋中錄本。而重脩汾陽李氏世譜。請叙于屏山尚書。東園鄭紀翁。時